



Malo o Samoa

Ministry of Natural Resources, Environment and Meteorology

Private Bag, Apia,

Website: [Http://www.mnre.gov.ws](http://www.mnre.gov.ws)

Email: info@mnre.gov.ws

Please address all correspondence
to the Chief Executive Officer

19 Mati 2006

PEPA MO LE KAPENETA

MATAUPU: Toe Iloiloina o le Ta'iala mo le Vaaia Lelei o Aseta Tulata i le Sami (Coastal Infrastructure Management Strategy (CIMS)) 2006

FAAMATALAGA

O le Taiala mo le "Vaaia Lelei o Aseta i Nofoga Tulata i le Sami" (Coastal Infrastructure Management Strategy (CIMS)) sa amata faaogaina e le Kapeneta o Samoa i le tausaga 2001. O se tasi o vaega o le Polokalame faagasolo e Puleaina ai ma Vaaia Lelei Aseta poo le Infrastructure Asset Management Program.

O le CIMS 2001 o se taiala na toe faaleleia ai auala e puipuia le soifua o tagata ma le siosiomaga mai faalavelave faanatura i le gataifale ma una'ia le pulea gafataulimaina o atinae i le gataifale. Peitai i le maea ai o le 5 tausaga ua iai le manatu e toe iloilo lenei taiala ma faia i se tulaga e atagia ai galuega ua faatinoina i nuu ma alalafaga; ia atagia ai foi ma tulafono fou (pei o le PUM Act 2004) aemaise o nisi auala tau i le pulea gafataulimaina o punaoa faanatura.

O le CIMS foi ua iai Iona Vaaiga Taula'i poo le Vision "Lava Saunia – O Nofoga ma Aseta tulata i le sami ua Lava Saunia mo Faalavelave Faale-natura". O le upu Lava Saunia ua fa'aogaina nei i le mae'a ai ona toe iloilo le Taiala 2006, ua talafeagai tele i aso nei, una'ia tagata uma ia faamasani, lava tapena ma vave ona toe faaleleia mai se tulaga faaleagaina pogai mai i faalavelave faanatura.

I le toe iloilo ai la o le CIMS ua faalauteleina ai mataupu tau faalavelave faanatura ina ia fa'aogaina se auala e puleaina ai fanua ma isi punaoa faanatura aemaise o nofoga e pu'e ai le suavai agai atu i le sami.

O le suia o le fa'aogaina o fanua aemaise lo latou atina'eina i vaega maualuluga (faata'ita'iga: taina o le vaomatua) e ono iai ni ona a'afiaga matuia i taimi o faalavelave faanatura i vaega maualalalo(sami) aemaise o le toe tau faaleleia o ia vaega i taimi o afā, tafega ma lologa.

Ua aumaia foi e le taiala lenei 2006 se faasinomaga o faiga faavae mo faalavelave faale-natura matuiā e aafia ai Samoa ma e aofia ai ma vaega o le talafatai o loo iai aseta aafia gofie – faataitaiga, o auvai ma vaitafe ma vaega tafa-tō e solo gofie.



PLANNING AND URBAN MANAGEMENT AGENCY

Location: Savalalo (MWTI Building)

Telephone: 21611

O se tasi o itu ua faaleleia i lenei iloiloga 2006 ua tuufaatasia ai le pulea gafataulimaina o punaoa faanatura ma tapenaga mo faalavelave faanatura. I aso ua mavae, o tapenaga mo faalavelave faanatura sa tele lava i fuafuaga e tali atu ai i faalavelave i le taimi e tutupu ai faalavelave faanatura ma galuega toe faaleleia pe a mae'a foi se faalavelave faanatura, Peita'i, o le tu'uititia o a'afiaga mai faalavelave faanatura e mafai ona foi'a ma faaleleia pe a lava sauni ma galulue faatasi ae le'i tula'i mai se faafitauli.

O le fa'aaogaina ma le fa'aeteete o fanua aemaise le puleaina o le siosiomaga e mafai ona tu'uititia ai a'afiaga mai faalavelave faanatura ma taofiofia ai le atina'eina o vaega a'afia gofie ma ma'ale'ale. O nei tulaga uma ua aga'i nei iai le iloiloga lenei 2006 ma o lo'o matua faamamafaina tulaga o le tapenapenaga mo faalavelave faanatura ina ia – Faaititia le afaina, faaleleia sauniuniga ma tapenapenaga, tulaga lelei o le tali atu i faalavelave ma ia vave ona toe faaleleia mea ua faaleagaina.

O lo'o auga tonu lenei ta'iala 2006 i le lautele o faalapopotoga, Matagaluega a le Malo, Nu'u ma alalafaga ma e faigofie foi ona faitauina. I lalo o le uluai Taiala, na amatalia i le tausaga (2001 & 2002) le fausiaina o Peleni e 15 mo itumalo e 43. O le pasiaina la o lenei iloiloga e le Kapeneta o le a mautinoa ai loa ua iai le taiala a le PUMA ma isi vaega mo le iloiloina o atina'e i le talafatai ma ua ausia foi se maliega i le va o le Malo ma alalafaga ta'itasi.

O le fa'aaogaina foi o le CIMS 2006 o le a mautinoa ai ua aofia uma tagata i le fausiaina o Peleni e 28 o le atunu'u ato (pei ona faatinoina o se vaega o le SIAM-2, C-4 program), ma fa'aaau ai ina ia silafia le tulaga faigofie ma talafeagai ai o le ta'iala aua le faaleleia ma le puipuia o Samoa mai faalavelave faanatura.

TALOSAGA

la fa'aaogaina e le Kapeneta le CIMS 2006 iloiloga muamua o se Faiga Faavae a le Malo

FAUTUAGA

la fa'aaogaina e le Kapeneta le CIMS 2006 iloiloga muamua o se Faiga Faavae a le Malo

Ma lou fa'aaloalo lava

Faumuina Tiatia Liuga
Minisitā o le Matagaluega o Punaoa Faanatura, Siosiomaga ma le Vaaitau



PLANNING AND URBAN MANAGEMENT AGENCY

Location: Savalalo (MWTI Building)

Telephone: 21611